

Յովհաննէս կարբեցի պատրիարզին հայոց, լաղազս անկարգ կառուարութեան Սրբոյ արարատեան աթոռոյ (որպէս որ խանգարեալ կառուարութիւն արարատեան եկեղեցոյ գրի) և քանիցս խնդրեցաք զի նա կառավարութիւնն կարգադրեսցէ, այսինքն անարժան եպիսկոպոս չօրհնելով, ի ռամիկ անձանց համաձայն մինիստրի գրութեանն քահանայ չձեռնադրէ, նմանապէս և զհիմարս և զանուսում անձինս և այլ անկանոն բանք չառնելով, որք չեն գրելիք և Ձերին սուրբ ականջացն լսելիք և որքան մեք խնդրեցաք, բայց նա եւս առաւել լաւելացոյց, երեսուն տասն մին քահանայ, ի յիմար անցանց օրհնելով, անարժանից զխաչ տալով, որոյ պատճառն ոչ այլ ինչ է եթէ ոչ փող առնուլ և նա եւս վասն իւր և ընտանեաց իւրոց է առնում, և ոչ թէ վասն հանդերձաւորելոյ և կառուարելոյ միաբանից Սուրբ աթոռոյն. բաց ի սոցանէ վաճառէ զանօթս եկեղեցականս, և յորժամ խնդրէինք զի նա մեր գիտութեամբ արասցէ զայն ամենայն վաճառելն և փողի խարջելն. իսկ նա փոխանակ լսելոյ զխնդիրս մեր անպատիւ արար զմեզ և անհաւատ ձայնեաց. վասնորոյ և մեք չորս անձինք, ի վերոյ գրելոց, տնճարացեալ զկօպեայն խնդրանաց մերոց զոր մատուցեալ էին պատրիարքին ընդ այլում խնդրազրի առաքեցինք առ բարձր գերագանց կուսակալն Վրաստանու եներալ Օտինֆանտէրի բարոն Բօզինն, զի թերեւս նա վերահասու լինիցի և մեր խնդիրքն հասուցէ առ ում որ հարկն է, վասն զի ազգք հայոց լայսպիսի անկարգութեանց որք լինին Սուրբ աթոռն, յուսահատեալ են. որոյ ապացուցութիւն է, զի հայք օսմանեան տէրութիւնն բաժանեցան արաբատեան եկեղեցոյ և չկամին զի վարդապետք արարատեանք մտանիցեն լերկիրն իւրեանց գրութեամբ սուլթանին զարփայջայն անցանելով. և սորա պատճառն ոչ այլ ինչ է, եթէ ոչ անկարք արարմունք Յօջաննէս պատրիարզին և արծաթասիրութիւն նորին առաւել քան զչափն. և յորժամ Յօհաննէս պատրիարքն լաւ թէ մեք չորք անձինք խնդիր ենք մատուցել կուսակալին, լայնժամ ինքն եւս գրեաց կուսակալին թէ այս չորս անձինքն, բունգովչիկ են, պարտին կորնչիլ վանքէն, վասնորոյ անցեալ թիվ մայիսի 12ին առաքեաց զիս ի Թիֆլիզ քաղաք և մեք աղաւինելով արդարագատութիւնն կանոնաց կայ-